

*Мария Петровна Мохначевская – Марта – Мария  
Кэтэһиилээх Саҥа дьыл*

Күнтэн – күннэр тиэтэйэннэр,  
Куйаар күдэн тэлээрэннэр,  
Үөрэ көрсүү бэлэмигэр  
Саҥа дьылбыт кэлэн иһэр.

Кыыдам түспүт хаар тэллэбэр  
Кырыа кыһын силбиэтэнэр.  
Тымныы туман тыынын үрэр  
Эргэ сылбыт баран эрэр.

Ол да буоллар субу күнтэн  
Саҥа дьыллыын тэнгэ сиэлэн,  
Күммүт уһуур кэмэ ситэн  
Үүнэн иһэр күндү түгэн.


Дьизэлэр аайы симэх ооньуу,  
Дьикти кэрэ уоттаах ойуу,  
Дьэрэкээнниир чипчинг мичил  
Дьиримниэбэ чабыл киэргэл.

Остуол бастыҥ аһа дэнэр  
Эгэлгэтэ бэлэмнэнэр.  
Бүгүн күнгэ ол сиэнниллэр  
Сагаммата биллэриллэр!

Оо, дьэ хаһан сандалыбар  
Далбар хотун табан астыыр,  
Харах эрэ көрөн саатыыр  
Күндү астар ууруллаллар?

Өтөр иһэр биллибэккэ,  
Кэлэр кэмэ тэһиппэккэ,  
Кэрэ киэһэ ханыылаһан  
Остуол хото уйгу- быян.

Сылын ахсын тийэн кэлэр  
Саҥа дьолу көтөллөнөр  
Саҥа дьылы үөрэ көрсөр,  
Саргы дьаалы кэтэһиллэр?



*Быраһаай, Эргэ сыл*

Эргэ сыл бүтэһик күннэрэ  
Этэнгэ буолун диэн этээри,  
Эйэбэс халлаана күндээрэр,  
Элэккэй күн күлэр мичээрэ.

Сыл хонук аһарын бэлиэтээн,  
Сылыппыт, туманын үргүтэн.  
Саҥа сыл муммакка кэллин диэн,  
Салгынын сайгыппыт, бэлэмнээн.

Туох бары кэлэрэ түмүктээх,  
Туолбут сыл бу бүтэр эргиирдээх.  
Тосхойбут кэмигэр сүтүөхтээх,  
Тойуктаах куйаарга көтүөхтээх.

Сахалыы санаанан эттэххэ,  
Суоруммут сылынан биллэххэ,  
Сүҥ Дьааһын, Хотой кыыл сылыгар  
Солбуйар иэстэрин туттарар.

Быраһаай, Эргэ сыл, эн бардын,  
Биир сылы мин сааспар эбэнгин.  
Букатын да баран эрдэргин  
Баар буолбут суолгун эн хааллардын!



*Сага сылга баға санаа*

Сага дьыл бастакы хонугун  
Соргулаах дугуйун туттубут.  
Сулустаах ыйдаҥа куустуспут,  
Сылыйбыт, тумана уостубут.

Ханна да хайыһан көрөбүн  
Харыйа дьиктилээх уотгарын.  
Харахпар дьэрэкээн үнкүүтүн,  
Хатылыыр ирбинньик оонньуутун.

Сыл ахсын долгуйа кээһэммит  
Сага дьыл кэлэрин күүтэбит.  
Сах ааһан, атаарар түгэммит –  
Сыллата сааһыран иһэрбит.

Остуолу хотойор мунгунан  
Олохпут быйаҥа ууруллар.  
Ол эрэн көрөн да сөп буолан,  
Ордуга хас да күн сынньатар.

Бу сылга эрэнэ саныбыт  
Барҕалаах баардыа кыттыспыт,  
Баҕарар баҕабыт туолуоҕун,  
Барыта этэнгэ буолуоҕун.

Хотойбут айыылаах сылыгар  
Хотуулаах буоллун дуу, олохпут.  
Хас биирдии бэйэбит туһугар  
Харысхал арчылыы туруохтун!



*Эргэ Санга дьыл*

Санга дьыл салаллар саргытын  
Бэркэ диэн билбишпит айхалын.  
Онтон дьэ таңара тиллиитин,  
Туппушпут эбүрдэ илдьитин.

Ойбоннор аайытын билигин  
Сүллүкүүн ситэрэр силигин.  
Көстүбэт балаҕан дьизэлэргэ  
Сураҕа, көһөннөр кэлбиттэр.

Дьиибэлээх кистэлэнг угуйар,  
Бүлүүһэ хаамыытын билгэлиир.  
Таңхаҕа дьылҕаны таайтарар  
Сэрэхтээх,эмиэ да дьикти диир.

Былыргы халандаар аабыллар,  
Санга дьыл эргэтин булбуттар.  
Сыл ахсын саатанар үгэстэр  
Бииртэн биир кэрэтин тиэрпиттэр.

Санга дьыл балачча, кэлбитэ,  
Эргэ дьыл сангардан биэрбитэ.  
Санга дьыл эргэрэн эрдэбэ,  
Эргэ дьыл ол онтон үөрдэбэ!